

# ناجٍ من مجزرة الدفاع الجوي : الأمن سرق متعلقات الضحايا



الأربعاء 11 فبراير 2015 12:02 م

جثث تناثرت من حوله هنا وهناك على الطريق... ظلام يغطي المكان وضوء خافت يشق طريقه بين المتواجدين... بقايا رائحة الغاز لا زالت تتخلل أنفهم... نظره يتساقط تارة على أعلام وأوراق المشجعين المتطايرة فى كل مكان وتارة أخرى على بقايا أحذيتهم التى خلفها زملاؤه... وحقائبهم وتى شيرتات ناديهم المفضل التى كانوا يرتدونها منذ عدة دقائق... بقايا المعركة التى احتدمت...

**شهادات كثيرة رواها من حضروا مجزرة الدفاع الجوى خلال اليومين الماضيين، ولكن بطل قصتنا هذه كان دوره مختلفاً تماماً، ربما هو نفسه لم يكن يعلمه بعدما ساقته قدماه إلى هناك.**


الآن الصمت يخيم على المكان، يقف الشاب ذو الـ 20 عاماً شبه وحيد بعدما كان كتفه يلتحم بكتف المئات من زملائه، تحولت البسمة والحماس إلى حالة من الوجوم والحزن الذى اجتاحت تفاصيل وجهه لا يعرف ما وقع؟ لماذا حدث؟ ففجأة تناثر حلمه البسيط فى حضور مباراة كرة قدم لتشجيع فريقه المفضل بصحبة أصدقائه، إلى كابوس كبير حاول أن يوقف نفسه منه، ولكنه للأسف كان حقيقة.

## الأمن يجمع متعلقات المشجعين


فى الوقت الذى غادر الجميع المكان وحملت سيارات الاسعاف الجثث، سقطت عين "أحمد لطفي"، أحد محبى الوايت نايتس على قوات الأمن وهى تقوم بأخذ ما سقط من جمهور الزمالك بعد فضه ومنعه من حضور المباراة، قائلاً: "لمجندين يilmوا المحافظ والموبايلات من الناس اللي واقعة، من الشنط والهدوم اللي اتسابت فى الأرض"، الأمر الذى استغفر الشاب وعلى أثره بدأ ينادى على البعض ليساعده فى جمع حاجيات الشباب الهامة المتناثرة على الأرض ولسان حاله يقول: "أكيد هيدوروا عليها"، البعض ساعده فى جمعها والبعض الآخر لم يعط له بالا، كما أخبرنا الشاب.

## طرف الخط

"معايا بطايق و فيز كارت ومفاتيح شخصية ومفاتيح عربيات لميتها قبل ما الحرامية يلموها، البطايق باسم :احمد محمد عبد الله الشيخ ... كوم حماده البحيره ..سعد الدين انور سعد الدين ... العريش شمال سيناء.. سيد بدوي صابر محمود ... المطرية القاهره.. احمد سعيد احمد محمد منصور . العمرانية الجيزة.. عبد الرحمن شريف حسين حافظ . الغردقة البحر الأحمر، محمود ابراهيم علي يعقوب .. مركز كوم حماده البحيره ..شكري مصطفى عبد الوهاب علي . الوراق الجيزه ..كارنيه كليه الزراعة جامعه الازهر باسم اخنح شاكر مبروك خير السعد، 2 فيزا كارت البنك الاهلي المصري ..الاولي باسم هناء محمود محمد ..الثانيه باسم عبد الرحمن شريف حسين ..صوره رخصه اقامه فى السعوديه لطبيب اسمه عمرو سعد احمد ابراهيم.. ومعايا مفاتيح عربيات و مفاتيح شخصيه ..اي حد يستدل علي اسم من الاسماء دي يتواصل معايا عشان ياخذ بطاقته او ورقه ، كانت تلك نص الرسالة التى دونها " (أحمد ) عبر صفحته على موقع التواصل الاجتماعى الفيس بوك.



تمكن (أحمد) كما أخبرنا من إعادة مفقودات 4 من مشجعي الزمالك التي عثر عليها وحاول جمعها بعد المجزرة، وهو ما يشير اليه عبر صفحة الفيس بوك الخاصة به،



وعن المجزرة يروي (أحمد) كانت تلك المرة الأولى التي أسافر فيها من الإسكندرية، وجدت صعوبة في إقناع والدي برغبتي الشديدة في تشجيع فريقى المفضل بالقاهرة، لم أذهب لجامعتى فى هذا اليوم أخذت إجازة من كل شيء، ركبت الأنوبيس مع سيكشن الوايت نايتس الأول الذى انطلق من الإسكندرية فى الحادية عشرة ظهراً للوصول فى الرابعة عصراً قبل المباراة، كنا السيكشن الأول الذى يصل من الإسكندرية فى ذلك اليوم من واقع 10 حافلات جاءت من هناك بخلاف من جاء فى القطار.

وعن بداية الأحداث يقول (أحمد)؛ "لقينا في حدود 500 - 1000 مشجع في الممر وفيه حوالي 20 أو 25 من الأمن المركزي واقفين عشان محدش يعدي، جالنا طابط و قالنا بالنص كله حيدخل يا شباب متقلقوش، بدأوا بيعدوا واحد واحد بالعافيه، عرفت اعدي و ابقى في اول الصف عدد المشجعين بدأ يزيد، فضلنا نقولهم يفتحوا لينا الطريق عشان نعدي، الاول كانوا يبحجزوا بالهراوات بعد كده عدونا خمسه خمسه، دلوقتي انا عديت اول مرحله اللي هيا المجندين".

#### الممر الشانك

ويتابع: " دخلت على المرحلة الثانية وهى الممر الشانك اول لما وصلت البوابات الحديد ، كان في 10 - 50 شخص بحد اقصى الكلام ده كان الساعة 5.00 - 5.15 لما وصلنا، لقينا 3 بوابات حديده والبوابات متحاطه باسلاك شايكه، البوابه المغروض تاخذ 5 انفار او 10 بالكثير اوي، لكن العدد زاد وبقى علي الاقل 20 او 25 واحد داخل البوابه الواحده من 3 بوابات، والمجندين واقفين رافضين اننا نعدي منها اساسا، بيقولوا معندناش اوامر، فضلنا واقفين مستنيينهم يفتحوا، لحد ما العدد اللي كان 50 زاد بقي في حدود 150، وبعد شويه زاد اكثر، الناس اللي بتعدي من الطباط بيتجي تزرق فينا عند الابواب الحديد، بعد كده عدينا علي اسلاك شايكه ثانيه لها فتحه واحدة".

"أول ما وصلت لقيت في ناس اصلا مش عارفه تدخل .. بتلك العبارة استكمل أحمد حديثه قائلاً: " كان في ناس بتطلع تقف فوق الحديد المهم عدونا د الساعة 5.30 كده فتحوا الابواب يعدوا شويه شويه، كانوا بيعدوا عشرة عشرة، وأنا كنت منهم، كان

معظم اللي ببعدي بيقي متعور و الاغلب في رجله من الاسلاك الشايكه، ولقيت طابط بنجمه و نسر بيصور الوشوش، فضلنا واقفين فحدود 10 دقائق بنقولهم افتحوا الابواب مش عايزين.. مره واحده العدد زاد جامد.. لقينا في ناس بتزق من ورا.. والباب بينهز من التدافع.. افتحوا يا جدعان.. طلع طابط برتبه كبيره بسلم من ورا الباب، وقالنا 5 دقائق بس و حنفتح.. فضلنا واقفين وعدت ال 5 دقائق، في الوقت ده، كان في طباط تانين بيقول لينا ارجعوا بعيد عن الباب عشان الباب يفتح لبرا، مع انه اتفتح اودامنا لجوا، في ناس رجعت، ومتبقاش غير 50 واحد اودام البوابه بتاعت المدرج، والباقي كانوا في حدود 250 - 300 واحد، رجعوا وقفوا في الممر ثاني لحد ما الباب يفتح".



### كواليس المجزرة

واستكمل القصة: "الساعة كانت وصلت بالطبط 5.40 دقيقة بالطبط، بعدها بـ 5 دقائق تقريبا بنر جروب أولتراس وايت نايتس اسكندرية، وصل و الداخه وصلت -الداخه دي عباره عن الورق اللي بنعمل بيه شكل في المدرج-، فقلنا للطباط افتح عشان نعدي الحاجه قالنا لا لسه مجتليش اوامر، فضلنا واقفين، الناس رجعت، بعدد اكبر لان في ناس عدوا البوابه الحديد، فضلنا واقفين يجدها عدونا، الناس جايه، طلع طابط وقالنا خلاص فاضل كام دقيقه و تدخلوا، الناس صققت ليه، المهم بنبص و رانا لقينا شمروخ اتولع عند البوابات الحديد ورا فبنبص في ايه .. مش مستوعيين، لقيت واحد من اللي واقفين قالي في ناس بتداس فلانم نولع \*فلام\* عشان الناس تبعد، عشان في ناس وقعت في الارض و الناس بتدوس عليها من التدافع، بعديها ب 3 دقائق أو أقل، الشرطه ضربت اول قبيله غاز، احنا كنا واقفين مش مصدقين، هو فيه ايه، وهيضربوا فين العدد كبير، بنرجع بظنهرا عشان نشوف في ايه، جالنا طابط و قالنا: "ده اخر تحذير امشوا من هنا بدل لما نوريكوا". بنبص لقينا ثاني قبيله غاز علي الناس و الناس بتجري، بعدها مدرعه جت، وضربت علينا احنا اللي واقفين عند البوابه غاز، فجرينا في الممر في الاتجاه العكسي، كان بيتضرب علينا غاز عشوائي بطريقه عموديه الناس كلها بتجري باسلوب عشوائي جدا، وقنابل الغاز بتضرب اي حاجه، لان العدد كبير فهما عارفين كده ان الناس حتتاثر بيها، لان العدد رهيب و خصوصا بعد وصول رجاله القاهره".

واستطرد: "شغنا عربيه بتولع، وسمعنا صوت خرطوش، قربنا نشوف فيه ايه من قريب لقينا الداخيه بدات تنسحب، و جت مدرعات ثانيه، المجندين بيلموا المحافظ والموبايلات من الناس اللي واقعه، من الشنط و الهدوم اللي اتسابت في الارض، بنقرب بحذر انا و 2 كمان نشوف الكلام اللي اتقال ان في حد مات ده صح و لا غلط لقينا في جثث مترميه علي الارض، وفي منها طالع قوم من بغه، وفي ناس جايبه دم من وشها، كان تقريبا في 10 - 15 جنه في الارض، دول غير اللي اتشالوا، وقفنا اتوبيس قالنا لا مش حاخذ حد الشباب كانت كانت حتكسرلوا الاتوبيس، قالهم ده اكل عيشي و حذاذي و بتاع الناس فسابته يروح جت ملاكي قالتلنا هاتوا واحد، في الوقت ده الاسعاف وصلت، اول عربيه بعد الدفعه الاولي اللي ودت الناس في الاول، وشالت اتنين كمان المسعف بيشفوهم فيهم نفس و لا لأ، كانت تعبير وشه بنقول الله يرحمهم".

"انا بصراحه اول لما شفت الجثث والناس بتعيط مكنتش مقدر الكارثه..قلت دول مصابين وإن ده ضيق تنفس أو اختناق بسيط من الغاز.. لكن لما بدات الاخبار تيجي ان في ناس بتموت .. الواحد حس بالكارثه فعلا .. بتلك العبارة استكمل أحمد روايته .

وأكمل: " التليفون النوت 4 اللي حكيتليك اني لقيته، صاحبه لما جه يستلمه مني حلف ليوصلنا لموقف مشاريع اسكندريه، هما كانوا جايبين 4، ملقوش واحد منهم رحنا ندور عليه الاول فى مستشفى البنك الاهلي الدكتور قالنا في 14 او 16 حاله

وفاه من المستشفى وصلوا مشرحة زينهم، قالنا في مستشفيات تانيه وصلتلها حالات روحوا عليها عشان الحالات اللي وصلت هنا تقريبا 40 - 60% من الحالات والباقي اتنقل علي مستشفيات تانيه، المهم كلمنا باقي المستشفيات التانيه مغيث \*\* لحد مجت اشاعه انه مات لقيت صاحبه انهار في العياط لحد مجت اخبار انه مش هوا المهم وصلنا للمشاريع و فضلنا اتصل بيه اطمن وصلوا لايه لحد ما قالي انه مات".

ظل الشاب طوال رحلة العودة متشيباً بالحقيقة التي بها مفقودات مشجعي ناديه لا يعلم وشرذ بذهنه بعيداً قائلاً لنا: وأنا راجع اسكندريه، قعدت استوعب اللي حصل.. لأول مره ابكي في حياتي و انا كبير.. مكنتش مصدق اللي حصل.. طب ليه فضلنا افكر الحاجه دي حتوصل لاصحابها ازاى".. بتلك العبارة اختتم جامع مفقودات مشجعي الزمالك يوم المجزرة مشيراً الى أن والده قرر عدم سفره مجدداً، وانه الآن يسعى جاهداً على إعادة تلك المفقودات لأصحابها.